

Na osnovu člana 32. Statuta SPKD „Prosvjeta“-Sarajevo (broj: 67/08 od 10. 05. 2008. godine), Upravni odbor SPKD „Prosvjeta“ Sarajevo, na 3. sjednici održanoj dana 06. 11. 2012. godine, donosi:

## ***PRAVILNIK O STIPENDIRANJU***

### **I-OPŠTE ODREDBE**

#### Član 1.

Pravilnikom SPKD „Prosvjeta“ o stipendiranju (u daljem tekstu: Pravilnik) reguliše se način sticanja i raspodjele sredstava za stipendiranje učenika i studenata, nadležni organi za dodjelu stipendija, uslovi konkursa za stipendiranje, postupak i kriteriji za dodjelu stipendija za učenike i za studente, prava i obaveze stipendista i druga pitanja od značaja za stipendiranje.

#### Član 2.

Naziv stipendije glasi: Stipendija SPKD „Prosvjeta“-Sarajevo za izuzetno uspješne učenike i studente (u daljem tekstu: stipendija).

#### Član 3.

Pravo na stipendije imaju članovi SPKD „Prosvjeta“-Sarajevo (u daljem tekstu: „Prosvjeta“), koji su državljani Bosne i Hercegovine, u skladu sa uslovima iz ovog pravilnika.

#### Član 4.

Stipendiranje u Prosvjeti se vrši u skladu sa načelom javnosti, transparentno i redovno, pri čemu je cjelokupan postupak hitan.

### **II-NAČIN STICANJA I RASPODJELE SREDSTAVA**

#### Član 5.

Sredstva za stipendiranje stižu se:

- iz redovnih sredstava Prosvjete,
- dobrovoljnim prilozima članova Prosvjete,
- doprinosom donatora, o čemu se sačinjava ugovor o donatorstvu,
- organizacijom dobrotvornih koncerata, prodajnih izložbi – aukcija likovnih djela i prihoda drugih manifestacija,
- na druge načine u skladu sa zakonom.

#### Član 6.

Donatori mogu biti fizička i pravna lica, a njihove donacije su nepovratne.

#### Član 7.

Potpisom ugovora o donaciji, donator dobiva potvrdu o donatorstvu.

#### Član 8.

Prosvjeta može primati novčana sredstva za stipendiranje u svim vidovima i oblicima, kao i pokretna i nepokretna materijalna dobra, te intelektualnu svojinu koja se prenosi na Prosvjetu.

### **III-UPRAVLJANJE SREDSTVIMA ZA STIPENDIRANJE**

#### Član 9.

Namjenskim sredstvima za stipendiranje učenika i studenata upravlja Komisija za stipendiranje od 3 člana (u daljem tekstu: Komisija), koju bira Upravni odbor Prosvjete u skladu sa ovlaštenjima iz člana 32. Statuta.

Predsjednik i članovi Komisije moraju biti članovi Prosvjete.

#### Član 10.

Članovi Komisije biraju se na 4 godine i ne mogu biti birani više od dva puta.

Za vrijeme trajanja mandata Komisije, članovi Komisije i njihovih porodica ne mogu biti stipendisti Prosvjete.

#### Član 11.

Zadaci Komisije su da:

- predlaže raspisivanje konkursa za dodjeljivanje stipendija,
- razmatra pristigle prijave na konkurs,
- sačinjava rang listu kandidata koji ispunjavaju uslove konkursa,
- donosi Odluku o dodjeljivanju stipendija,
- izrađuje pojedinačne ugovore o stipendiranju za sve kandidate,
- podnosi izvještaj o svome radu Upravnom odboru Prosvjete,
- obavlja i druge poslove iz djelokruga svoga rada.

### **IV-POSTUPAK I KRITERIJI ZA DODJELU STIPENDIJA**

#### Član 12.

Stipendiju Prosvjete iz jedne porodice može dobiti samo jedan učenik/student u istoj kalendarskoj godini.

#### Član 13.

Konkurs raspisuje Upravni odbor Prosvjete, na prijedlog Komisije svake godine do kraja mjeseca septembra i njegov tekst se istog dana objavljuje na web stranici i Facebook profilu Prosvjete, te na oglasnoj ploči u SJEDIŠTU (Sarajevo, ul. Sime Milutinovića-Sarajlije broj 1.), a može i u jednim dnevnim novinama.

#### Član 14.

Konkurs sadrži:

- Naziv organa koji objavljuje konkurs;

- Tačnu adresu organa kojem se podnosi zahtjev;
- Opće i posebne uslove i kriterije za dodjelu stipendije;
- Listu dokumenata kojima se utvrđuju dokazi o ispunjenju uvjeta za dodjelu stipendije;
- Rok za podnošenje prijave na konkurs;
- Rok u kojem će biti objavljeni rezultati konkursa;
- Vrijeme za koje se stipendija dodjeljuje;
- Iznos ukupno planiranih sredstava za dodjelu stipendija u toj godini;
- Prava i obaveze stipendista i
- druge potrebne podatke.

#### Član 15.

Prijave se podnose na obrazcu sa potrebnim priložima, neposredno u sjedištu ili poštom-preporučeno u roku od 15 dana od dana objavljivanja Konkursa na oglasnoj ploči, odnosno objavljivanju na web stranici i Facebook profilu Prosvjete.

#### Član 16.

Pravo učešća na konkursu imaju učenici i studenti iz socijalno ugroženih porodica; iz porodica poginulih boraca; bez jednog ili oba roditelja; u slučaju bolesti učenika-studenta ili roditelja, koji se nalaze na redovnom/vanrednom školovanju ili studiju u ustanovama ili na institucijama osnovnog, srednjeg i visokog obrazovanja na području kantona Sarajevo, pod sljedećim uslovima:

- da imaju prebivalište, odnosno boravište na području Kantona Sarajevo;
  - da su u prethodnoj školskoj/akademskej godini ostvarili prosječnu ocjenu 3, 5/8, 5;
  - da nisu korisnici stipendija iz drugih izvora;
  - da je kandidat i najmanje jedan roditelj član Prosvjete;
- Uslovi iz stava 1. ovog člana moraju biti kumulativno ispunjeni.

#### Član 17.

##### **I Obvezna dokumentacija uz prijavu na konkurs:**

1. Popunjen prijavni obrazac (uzima se u prostorijama Prosvjete u sjedištu);
  2. Kopiju članske karte SPKD Prosvjeta-Sarajevo za tekuću godinu ili potvrde o uplati članarine (za učenike-od jednog roditelja, za studente-vlastita);
  3. Kraća biografija (CW), svojeručno potpisana;
  4. Jedna lična fotografija formata 6x4 cm;
  5. Potvrdu o dosadašnjem uspjehu u školovanju (ovjereni popis ocjena);
  6. Potvrdu o upisu u narednu nastavnu/akademskej godinu;
  7. Za bruce kopije sljedećih dokumenata: svjedočanstva od sve četiri godine školovanja, kao i završnog (maturskog ispita), te potvrdu ili kopiju indeksa, kao dokaz o upisu na fakultet;
  8. Ovjerenu kućnu listu (uzima se kao prazan formular u svakoj općini);
  9. Ličnu izjavu o neprimanju stipendije od strane drugih subjekata;
- /\*Kandidati koji podnesu zahtjev, a ostvarili su pravo na stipendiju od javnog sektora (Općina, Grad, Kanton, FBiH, BiH, fondova, ministarstava, javnih preduzeća i drugih pravnih lica), neće biti uvršteni u rang listu/.
10. Potvrdu o primanjima roditelja/staratelja:

potvrdu o visini zadnje plate roditelja (kopija zadnje platne liste),  
ili kopiju zadnjeg odreska od penzije,

ili potvrdu o nezaposlenosti (od ureda za zapošljavanje),  
ili dokaz o nekom drugom izvoru primanja (izjava o tome čime se porodica izdržava).

11. Neophodna medicinska dokumentacija, koja dokazuje invalidnost, odnosno bolest kandidata, odnosno člana zajedničkog domaćinstva.

Invalidnost će se priznati preko 20%, a bolest hronična prema zvaničnim pokazateljima nadležnog organa uprave za zdravstvo u Kantonu Sarajevo.

## **II Dodatna dokumentacija uz prijavu na konkurs:**

1. Potvrdu o osvojenim nagradama na kantonalnom, državnom i međunarodnom nivou iz oblasti nauke ili sporta,
2. Potvrdu Prosvjete o volonterskom sudjelovanju u njenom radu (izdaje Upravni odbor).

## **III Posebni uslovi**

Ukoliko se žele ponovo kandidovati za stipendiju, stipendisti koji su prethodnih godina dobili stipendije, trebaju se ponovo prijaviti na konkurs uz navedenu dokumentaciju.

Primanjem stipendije učenici i studenti se obavezuju na volonterski rad u sklopu aktivnosti Prosvjete najmanje godinu dana.

### **Član 18.**

Na osnovu tražene dokumentacije iz člana 17. ovog pravilnika, vrši se bodovanje kandidata u sedam kategorija.

1. Prosjek ocjena;
2. Broj članova porodice;
3. Primanja roditelja/staratelja;
4. Godina škole/studija;
5. Nagrade na takmičenjima;
6. Invalidnost ili bolest kandidata ili člana užeg domaćinstva.

### **Član 19.**

Bodovanje po kategorijama vrši se na slijedeći način:

#### **1. Prosjek ocjena**

1.1. Učenici i studenti koji se ocjenjuju od 1-5, odnosno od 5-10 dobijaju bodove na osnovu prosjeka na slijedeći način:

- a) 3,5 – 3,7/8, 5 - 8, 7 – 2 boda
- b) 3,8 – 4,0/8, 8 - 9, 0 – 6 bodova
- c) 4,1 – 4,3 (9, 1 - 9,3 – 10 bodova
- d) 4,4 - 4,6/9,4 - 9,6 – 15 bodova
- e) 4,7 – 5,0/9, 7 - 10, 0 – 25 bodova

#### **2. Broj članova porodice**

Po članu porodice, na osnovu kućne liste, kandidat dobija dva (2) boda, bez bodova za sebe lično.

Učenik/student bez jednog roditelja dobija dodatnih 5 bodova, a bez oba roditelja 10 bodova.

### **3. Primanja roditelja/staratelja**

Primanja roditelja/staratelja (u KM) boduju se na slijedeći način:

- a) do 100 – 20 bodova
- b) od 101 – 200 – 18 bodova
- c) od 201 – 300 – 16 bodova
- d) od 301 – 400 – 14 bodova
- e) od 401 – 500 – 12 bodova
- f) od 501 – 600 – 10 bodova
- g) od 601 – 700 – 8 bodova
- h) od 701 – 800 – 6 bodova
- i) od 801 – 900 – 4 boda
- j) od 901 – 1000 – 2 boda
- k) preko 1000 – 0 bodova

Promjenom ekonomsko – društvenog standarda, kao i vrijednosti valute (konvertibilne marke) mijenjanju se raspon, kao i pripadajući bodovi dodati visini primanja roditelja/staratelja.

Učenici/studenti bez oba roditelja za ovu kategoriju dobijaju 20 bodova.

### **4. Godina škole/studija**

Godina škole/studija, boduje se na slijedeći način:

OSNOVNA ŠKOLA:

- a) I – 2 bodova
- b) II – 4 boda
- c) III – 6 bodova
- d) IV – 8 bodova
- e) V – 10 bodova
- f) VI – 12 bodova
- g) VII – 14 bodova
- h) VIII – 16 bodova
- i) IX - 18 bodova

SREDNJA ŠKOLA:

- a) I godina– 14 bodova
- b) II godina– 16 bodova
- c) III godina– 20 bodova
- d) IV godina– 22 boda

FAKULTET:

- a) I – 16 bodova
- b) II – 18 bodova
- c) III – 20 bodova
- d) IV – 22 boda
- e) V – 24 boda

### **5. Nagrade na takmičenjima**

Učenici/studenti, koji su osvojili značajna priznanja na takmičenjima iz oblasti kulture, umjetnosti, nauke i sporta na kantonalnom, državnom i međunarodnom nivou, dobijaju:

- Za kantonalno takmičenje..... 10 bodova,
- Za federalno ili državno.....20 bodova i

- Za međunarodno takmišenje..40 bodova.

#### **6. Invalidnost/bolest**

Učenik/student za invalidnost od 20% i više dobija.....	10 bodova
Invalidnost člana njegove uže porodice.....	2 boda po članu.
Učenik/student za hroničnu bolest dobija.....	10 bodova
Hronična bolest člana njegove uže porodice.....	2 boda po članu.

#### Član 20.

Obračunu dobitnika stipendije, dodaju se bodovi za:

1. Volonterski angažman u aktivnostima Prosvjete od 10 bodova.

#### Član 21.

Ukoliko dva ili više učenika/studenta imaju isti broj bodova, a u slučaju da su posljednji na listi dobitnika stipendija, pravo na stipendiju ima onaj učenik/student koji ima priznat volonterski angažmanom u aktivnostima Prosvjete.

#### Član 22.

Visinu godišnjih stipendija, kao i broj godišnjih stipendija utvrđuje Upravi odbor Prosvjete, u skladu sa finansijskim mogućnostima, zavisno o broju kandidata koji su ispunili kriterije iz Konkursa.

Stipendija po jednom kandidatu mjesečno iznosi najmanje:

- 80,00 KM za osnovnu školu;
- 120, 00 KM za srednju školu i
- 150, 00 KM za fakultet.

#### Član 23.

Izabrani stipendisti sa Prosvjetom zaključuju ugovor o stpendiranju, kojim se regulišu sva prava i obaveze ugovornih strana.

#### Član 24.

Svaki kandidat, koji nije zadovoljan odlukom Komisije, ima pravo uložiti prigovor u roku od 15 dana od dana prijema odluke o dodjeli stipendija.

Prigovor na odluku Komisije, upućuju se Upravnom odboru Prosvjete u pisanoj formi, koji donosi konačnu odluku u roku od 30 dana.

### **V-PRELAZNE I ZAVRŠNE ODREDBE**

#### Član 25.

Stručne, administrativne i tehničke poslove za Komisiju obavljaju članovi Komisije.

#### Član 26.

Primljene stipendije se ne vraćaju.

Član 27.

Svi stipendisti koji su stipendije dobili do dana stupanja na snagu ovog pravilnika, ostaju sa stečenim pravima i u provedenom postupku dodjela stipendija koje je proveo Upravni odbor Prosvjete, do raspisivanja prvog Konkursa po ovom pravilniku.

Član 28.

Ovaj pravilnik stupa na snagu narednog dana od dana donošenja i objaviće se na oglasnoj ploči u sjedištu Prosvjete.

**Predsjednik UO „Prosvjeta“-Sarajevo**  
Radoslav Marjanović

Broj:

Datum: